



# Kajitōk ko Ekkā Kajitōki ikijen Melele in Kajinet eo ñan Bar Bellok ilo Alen 2

## Rikōmadmōd ro an Jikin im Makūtkūt *(Kar kōkkāāl 8-28-2020)*

Ijin lal ej jet uaak ko ñan kajitōk ko im ekut an armij kajitōki kin Melele in Kajinet eo jen Maroñ kin Ejmour eo an Oregon (OHA) ñan [Bar Bellok ilo Alen Ruo – Rikōmadmōde Jikin im Makūtkūt ko](#) (melele in kajinet kin jikin). Melele in Kajinet im Kajitōk kein rekut rej jermal wōt ñan mōko wōt im rej kōmadmōd ilo juon county emōj kōwebben ñan Bar Bellok ilo Alen Ruo. OHA ej lelok Kajitōk Kein Rekut ñan jibañ an armij in lobelej melele kin melele in kajinet eo, ñan uaake kajitōk ko an armij ro im rej jermal ñane, im kaalikkar wewein an melele in kajinet eo maroñ jermal ilo jejjetin melan ko. Emaroñ jab niknik iien aer kōkkāāl melelein Kajittok kein Rekut. Kajitōk ko Rekut raar jab kōmman ñan bōk jikin melele in kajinet eo, ak ñan jibañ ukok, kakoba melele, im kanne tipdik in melele ko an kein kajinet eo.

## Kōmadmōd ko

### **K1: Emōj kōmman joñan pade/droulul/ ko ñan joñoul armij. Wōran armij in ej joñan eo elabtata ilo ial eo, ak ej wōran armij remaroñ kakobaba ibben doon?**

**U1:** Jikin ko remaroñ kadeloñ elōñ pade/droulul ko. Emaroñ wōt lok ñan 10 armij ilo juon pade/droulul ilo juon jikin. Rikōmadmōd ro an jikin im makūtkūt ko rejab melim in kakoba elōñ pade ak droulul ko ñan kōmman kumi in 10 armij. Emo droulul ko relablok jen 10 armij. Joñan eo elabtata ñan jikin eo ej 100 armij iloan em im 250 armij inabōj, im eban lablok jen 250 armij iloan em im inabōj, ak joñan armij, ekoba rijerbal, ekkar ñan aer lale joñan ijo (jukweea ne/armij kobban), men eo wōt ediklok. Ñan kalōñlok melele ko jouj im etale [kakobaba ko](#) im [melele in kajinet kin jikin](#).

### **K2: Melele in kajinet eo ej ke jermal ñan ruum in kwelok ko?**

**U2:** Jabdrewōt ruum iloan juon jikin ej bed iomwin [melele in kajinet an kakobaba ko](#) im [jikin ko](#).

### **K3: Enaj ke wōr kōjellā ñan kajutak bwe en ejellok oktak?**

**U3:** Aet. OHA ej lelok kōjellā ko ikijen laajrak: Kakōllein COVID-19, kajinet rijerbal ro im ro rar jede/bōk kwōnaer im ewōr aer kakōlle bwe ren bed wōt ak rool ñan mōko mweir, im kōlaajrak wōn eo ren kebaak elañe reaikuj ebōk jibañ. Kwōmaroñ loe kōjellā ak bija kein ilo: [Kōjellā ak bija ko](#).

**K4: Elōñ ke jāān in jibañ ñan jibañ amim loe kein jerbal ko ñan wia tūkōt ak karōk amim ien online?**

U4: Jab. Ejañin wōr jāān ñan jibañ kin kein bōk tūkōt ko ak karōk aṃi ien online.

**K5: Melele in kajinet eo an jikin eo ñan makūtkūt ko ej ke ñan emmakūtkūt ko an armij in lobelej wōt? Melele in kajinet ta eo enaj jerbal ñan pade ko rejab bellok ñan jabdrewōt?**

U5: Melele in kajinet kin jikin ej ñan makūtkūt ko an armij in lobelej im an armij make. Melele in kajinet in ej jerbal ñan rikōmadmōd ro an jikin im makūtkūt rej kōmman ak karōke makūtkūt ko iloan em im inabōj, ekoba ibben doon, ikkure, kin manit, kin kakien, im ikijien kabuñ.

**K6: Elōñ jikin ko ejellok aer make imōn kōbojak inabōj. Ak port-a-potty ko remelim ke ñan imōn kōbojak? Juon jikin emaroñ ke kalikar jet jejjetin imōn kabojak ñan armij eo ej kōjerbal jikin inabōj?**

U6: Aet. Jikin ko remaroñ kōjerbal port-a-potty ko. Rikōmadmōd ro an jikin rej aiku j lelok ejab diklok jen juon rilale an erre im jerbal eo an ej ñan karreo imōn kabojak kajojo awa ilo ien makūtkūt eo, im lolorjak ebwe kein karreo (einwōt joob, toilet beba, kein manman kij in bā ewōr 60-95% arkool kobban) ilo aoleben makūtkūt ko. Mennin ekoba karreo in port-a-potty ko.

**K7: Rikōmadmōd jikin ko rej aiku etale armij ro ilo ien rej deloñe jikin ko ñan lale elañe elōñ aer kakōllein COVID-19 mokta jen aer deloñ?**

U7: Jab. Rikōmadmōd jikin ko rejjab aiku etale rijede ro ak ro rej bōk kwōnaer. Bōtab, rikōmadmōd ro rej aiku in [kajutak kōjellā ak bija](#) rej kalikar laajrakin kakōlle ko an COVID-19, kajinet rijerbal im armij ro rar itok/bōk kwōnaer im ewōr kakōlle ko ibbeir bwe ren bed wōt ak rool ñan mōko mweir, im laajrak wōn ro ren kebaak elañe reaikuj jibañ.

**K8: Elōñ ke jejjetin rōjañ kin wewein kōwebben HVAC? Elōñ ke jibañ in jāān ñan kōkkāāl kein jerbal in HVAC ko elañe wōnnen ej kōmman mo ñan bijnej jidik ko?**

U8: Jab. Ejellok an OHA rōjañ ñan kōkkāāl in kein jerbal an HVAC im ejab kakien aer aiku. Rikōmadmōd jikin ko rej aiku lolorjak ke ejimwe an kein kōmadmōd jerbal ilo aer kadeloñ im kadiwōj mejatoto. Rikōmadmōd ro rej aiku kōlablok an mejatoto makūtkūt ñan joñan eo emaroñ, ilo aer kōbellok wūntō im kejem ko, kōjerbal deel ko, ak kōjerbal wewein ko jet. Rikōmadmōd ko ren jab kōbellok wūntō ko im kejem ko elañe aer kōmman eindein ej kōmman uwōta ñan rijede/ribōk kwōnaer.

**K9: Emelim ke an imōn alwōj bija ko bellok ilo Alen 2?**

U9: Aet. Rej watōke imōn alwōj bija ko einwōt jikin ko im remaroñ bar bellok ilo Alen 2 im loor [Melele in Kajinet ñan Rikōmadmōd ro an Jikin im Makūtkūt](#).

**K10: Elañe elōñ ruum in alwōj ko rejebel, joñan wōran armij eo elabtata ñan joñan ijo (100 armij ak bar juon nōmba ekkar aer bōnōbōn ñan joñan ijo) ñan kajojo ruum in alwōj ke ñan aoleben ijo?**

U10: Rikōmadmōd imōn alwōj bija ko reaikuj loor Melele in Kajinet ñan Rikōmadmōd ro an Jikin im Makūtkūt ko. Rikōmadmōd ro an imōn alwōj ko reaikuj kōjepel aoleb jikin im makūtkūt ko rejenolok iloan em im rej kōmman ilo juon wōt ien im ilo ejja jikin eo. Armij ro rej jedetok/bōk kwōnaer ilo makūtkūt ko iloan em ko rejenolok ilo ejja jikin eo emo aer jimor kōjberbal jikin ko, ekoba imōn kōbojak.

**K11: Ta mennin aikuj ko ikijen karreo juon imōn alwōj bija ikōtaan ien ikkure ko?**

U11: Rikōmadmōd ro an mōn alwōj ko reaikuj in karreo im manman kij jen ijoko elab makūtkūt iloan imōn bija eo - ekoba jea im tebōl ko — ikōtaan ien ikkure ko. Rikōmadmōd ro an imōn bija ko reaikuj in lukkun karreoiki imōn kōbojak ko jab diklok jen ruo alen ilo juon raan im, ñan joñan aer maroñ, lolorjak ke ebwe kein karreo (joob, toilet beba, kein manman kij in bā) ilo aoleben juon raan. Kōjberbal kein jolok jorren ko emōj likūt ilo [laajrakin etan kein karreo ko emōj an Obij in Kejbarok Melan \(EPA\) kōwebben](#) ñan SARS-CoV-2 kij eo me in nañinmij eo ej kōmman COVID-19. Ejañin wōr juon kein karreo emōj likūt melele ko an ej ñan COVID-19, ak elōñ kein karreo ko im ewōr aer kōmelele ilo website ko aer kin aer jberbal ikijen coronavirus eo ibben armij.

**K12: Ewi wewein amim kile elañe melele in kajinet eo an Rikōmadmōd ro an Jikin im Makūtkūt ej jberbal im ejab melele in kajinet eo an Jikin Kamōnōnō ko Iloan Em im Inabōj?**

U12: Elōñ kilaaj in bijnej ko remaroñ bed iomwin elōñlok jen juon kilaaj, im aer loor elablok jen juon beba in melele in kajinet emaroñ naj mennin aikuj. Ñan melele beba ta eo/ko emmantata ñan bijnej rot eo aṃ, juj im lale [Kein Jberbal in Jiban ñan Bar Bellok](#).

**K13: Ta melele eo kwōj aikuji ñan anōke wōn ro rar kebaak jen Rikōmadmōd ro an Jikin im Makūtkūt ko?**

U13: Ñan jabdrewōt makūtkūt, ejmourin lobelej ej kajitōk bwe rikarōk/ rikōmadmōd makūtkūt ren jei men kein laajrak:

- Etan, raan, awa, im jikin makūtkūt eo
- Ñan armij eo ear jede:
  - Etan (first name im last name)
  - Atōrej eo an mweo imōn
  - Nōmba in talebon
  - Nōmba eo an jea eo ear jijet ie ak jikin jijet eo an ñe kwōjelā

Kwōj aikuji kakwōne melele kein mae 60 raan elikin kajojo makūtkūt.

**K14: Wōn eo enaj maroñ lale melele in kebaak im aikuj kejbarok ikijen etan armij ro rar jede ñan makūtkūt ko an lobelej ak an jejo armij, im wewein an naj jermal melele in ñan kebaak ro renaj loe ilo jermal in anōke eo?**

U14: Ñe elōñ juon keij emōj an teej positive kin COVID-19 jen kar juon makūtkūt ilo juon jikin, state ñe ejab ejmourin lobelej eo an bukōn emaroñ naj aikuj etan rikarōk/rikōmadmōd makūtkūt ñan lelok melele in kebaak ñan aer kōmman etale in anōk. Melele in kebaak eo enaj ajeded wōt ibben ra in ejmourin lobelej ko an state ak bukōn ñan aer kall armij ro remaroñ kar kebaak armij eo emōj an teej positive kin COVID-19 ibben ñan aer lelok melele in kajinet im jibañ. Rijerbal ro rej anōke ro rar kebaak rej aikuj loor aoleben mennin aikuj ko ikijen an jab ajeded melele im melele in kajinet ko ikijen etale eo an tōre in. Melele ko obj ko an ejmourin lobelej enaj loi rejāmin ajeded iomwin kakien eo an state im emaroñ wōt ajeded iomwin jet wewein ko ewōr joñaer. Armij ro rej anōk armij ro rar kebaak ej wūn eo wōt ejmourin lobelej eo an state ak bukōn ej kajitōk ak kōjerbal melele eo. Rikarōk/rikōmadmōd in makūtkūt eo emaroñ joloke melele ko elikin 60 raan jen ien makūtkūt eo.

**K15: Wōn eo ej bōk eddoin kabin Melele in Kajinet ikijen Jikin ko ilo Alen 2?**

U15: Aoleb abōnōnō ikijen bar bellok rej aikuj etal ñan [Kejbarok im Ejmour in Jibañ Enbwin an Oregon \(Occupational Safety im Health \(Oregon OSHA\)\)](#). Oregon OSHA ej jermal ibben obj ko an state im Obj eo an Governor ñan bar lale kabin in abōnōnō ko.

**Q16: Ewi wewein kalikar “droulul ko” ilo kajinet in ñan Ri-kōmadmōde lal im Emmakūtkūt?**

U16: Droulul ko rej 10 ak diklok armij im emōj aer kelet in kakobaba ibben doon.

**K17: Ewōr joñan wōran armej ko relabtata reoktak ñan makūtkūt ko ilolan em im inabōj. Ta melelein juon “jikin eo inabōj” ilo Melele in Kajinet eo an Rikōmadmōd ro an Jikin im Makūtkūt ilo Alen Ruo?**

U17: Ilo [Melele in Kajinet eo an Rikōmadmōd ro an Jikin im Makūtkūt ilo Alen Ruo](#), melelein “jikin ko inabōj” ej juon jikin ebellok inabōj im emaroñ wōr raan an ien kadu ak emōj kajutak, einwōt awning ak ioon, elañe jikin eo jab diklok jen 75% in jukweea ne an bellok ñan an kōto diwōj deloñ.

**K18: Ewōr ke jejetin ien imōn alwōj bija ko rej aikujin kabōjrak aer lelok mōñā im arkool ñan customer ro elañe rej bed ilo county ko rebed ilo Alen Ruo?**

U18: Aoleb mōñā im idaaq ej aikuj bōjrak mokta jen 10:00 awa boñ ilolan jikin imōn alwōj bija ko.

## **Kōttolok im Wōran armij**

**K1: Ñan jikin ko ewōr jikin ko im ebwe aer kōjenolok ilo aoleben melan eo, jikin ko kajojo remaroñ ke likūt joñan armij eo elabtata ilo aer loor aikuj ko an melele in kajinet ko jet (waan joñak, kōjenolok jikin deloñ/diwōj im imōn kabojak, kein manman kij, im jikin kwal bā)?**

**U1:** Kakien ko ikijen wōran armij eo elabtata emaroñ jerbal ñan kajojo jikin/makūtkūt ko rejenolok, iloan mweo elañe:

- Jikin eo emaroñ kōjenolok mōko im makūtkūt ko elañe armij ro ilo jikin im makūtkūt ko rejenolok rejab kebaak doon,
- elōñ jikin deloñ im jikin diwōj rejenolok, *im*
- elōñ imōn kabojak rejenolok.

**K2: Ewi joñan rōjañ eo ñan ettolok in tebōl ko an rijede ro jen jikin ikkure eo? Ta oktak eo kōtaan iloan em im inabōj? Eaikuj ke wōr juon kein kōjebel ikōtaan juon rial im riroñjak ro?**

**U2:** Tebōl im jikin ijjet ko an armij rej aikuj bed ejab diklok jen 12 ne liklok jen rikkure ro, rikenono ro, jekdon ñe iloan em ak inabōj. Juon kein kōjebel ejab mennin aikuj bōtab emaroñ bar lelok bar jidik kejbarok im lōke, elabtata ñan rial im rikenono ro remaroñ kōlablok im kōjerbal ainikier iomwin ien aitok. Rial, rikōjañjañ im rikkure ro rej aikuj ekōnak kein kalbubu māj an jikin taktō ko, kein bōbrae māj, ak kein kalbubu māj ilo ien aer bed iloan em, im inabōj elañe rejab maroñ lolorjake aer bed ejab diklok jen jiljino (6) ne jen ro jet.

**K3: Kwōjelā ke oktak in joñan ko an “kakobaba” im joñan armij remaroñ bed iloan imōn mōñā ko?**

**U3:** Iomwin Alen 2, juon imōn mōñā/jikin emaroñ wōr lok ñan 100 armij iloan ak 250 armij inabōj, im en jab lōñlok jen 250 iloan im inabōj; ak wōran armij, ekoba rijerbal, ekkar ñan aer bōnōbōn joñan wōran armij eo elabtata (jukweea ne/wōran armij), jabdrewōt eo ediklok. Joñan wōran armij eo elabtata aikuj bōnōbōn ñan kajojo jikin ko iloan em im inabōj ej kōmelim an droulul ko maroñ jiljino (6) ne ettolok ikōtaan droulul ko. Elañe rikōmadmōd ro an jikin/ makūtkūt ko rej kōmmāne juon wōt makūtkūt iloan em im inabōj, aoleben joñan armij eban lōñlok jen 250 armij, ekoba rijerbal.

## Karreo im Manman Kij

**K1: Jete jikin kwalkwol bā ak manman kij in bā enaj aikuj? Enaj ke ekkar ñan joñan armij? Ia eo rej aikuj likūti?**

**U1:** Ejellok jejjetin joñan eo aikuj, bōtab jikin kwalkwol bā im/ak manman kij in bā rej aikuj bidodo an armij maroñ iten kōjerbali ilo aoleben ien makūtkūt eo. Rikōmadmōd ro an jikin eo rej aikuj lelok jikin kwalkwol bā ak kein manman kij in bā (60-95% arkool kobban) ilo aoleben mweo bwe rijerbal im armij ro rej itok/bōk kwōnaer ren maroñ iten kōjerbali. Ñan joñan aṃ maroñ, rikōmadmōd jikin ko rej aikuj lelok kein manman kij in bā (60-95% arkool kobban) ilo jikin deloñ ko.

**K2: Ekōjkan aō jelā ñe ebwe aō karreo im manman kij?**

**U2:** Elōñ jejjetin melele ko kin wewein karreo im manman kij ilo website eo an CDC ilo [link](#) in.

**K3: Emmonlok ke binej jenkwān kein kōmōrāre bā ko rej uuk kōto kin beba tool ko?**

U3: Ejañin wōr bōnōbōn ko realikar elañe kein kōmōrāre bā ko rej uuki kōto rej kajeded coronavirus eo ekāāl. Bōtab, ñe jej kalimjekelok ikijen karreo im manman kij wōt, rej lōmnak ke tool beba ko remmanlok jen kein kōmōrāre ba. Innem, ñe kwōmaroñ, kimij rōjañ kōjērbal tool beba ko im ejab kein kōmōrāre bā.

## Jikin ko an Kabuñ ak Tōmak

**K1: Ta melele in kajinet eo ekkar kin kōjejetin wewein kajijet, kōttolok, shake hand, kōttolok doon emōj kōmman ñan jejetin aikuj ko an kakobaba in jar ko?**

U1: Ijellokun iloan juon kapijukunen, shake hand, bokwōj, im wewein kebaak doon ko jet rejab rōjañ ñan kōmmāni ilo jabdrewōt kakobaba. Wewein eo emmantata ñan kejbarok an ajeded COVID-19 ej ilo ad lolorjake ad kōttolok kwe jen ro rejab uaan kapijukunen eo aṃ. Kim melele ke elukkun lab abañ ilo jukjukin bed ko ilo an armij jab maroñ kebaak doon einwōt ke ej mōttan manit im iminene ko aer.

Ñan kajijet, wewein kōttolok doon emaroñ jolok jea ko ñan kōlablok ikōtaan doulul in kapijukunen ko. Kōn mōko im elōñ jikin jijet me ebin wōt aer pād einwōt pew ko ilo imōn jar ko, aṃ kōjērbal teep ñan bōbrae kajojo lain eo ukoktak ej juon kōllejarin me elōñ tokjen.

**K2: Aikuj ke en wōr jabdrewōt kōjparok mokta ñan al ak kōjañjañ ko rej mōttan ien jar ko amim?**

U2: Al ilo juon choir emōj kakobalok ñan kōlablok in ajeded in COVID-19, emaroñ kinke rial ro rekajur ilo aer kōjērbal ainikier im elablok an maroñ diwōjlok piil ko jen būro. Aer kōjērbal kein kōjañjañ brass ak woodwind ko enaj bōlen kōmman uwōta ko rej einwōt. Emōj kakien kein kalbubu māj ko an jikin taktō, kein bōbrae iturin māj ak kein kalbubu iturin māj rej mennin aikuj ilo ien al im ikkure kin kein kōjañjañ ko iloan em. Mennin aikuj kein kalbubu māj ko an jikin taktō, kein bōbrae iturin māj ak kein kalbubu iturin māj inabōj elañe kwōban lolorjak an jab diklok jen jiljino (6) ne ettolok jen doon.

- Lōmnaki aṃi naaj kāānjel an band im choir ko ikkure.
- Ñe ewōr al enaj kōmadmōd:
  - Rikōjañjañ ro ren bōk aer make kein kōjañjañ im manman kij elikin kajojo ien kōjērbale.
  - Lolorjake bwe en wōr ejab diklok jen jiljino (6) ne ettolok ikōtaan aoleb rikōjañjañ ro.
  - Bōjrak aṃi kōjērbal microphone ko ibben doon aoleb ien emaroñ. Karreo im manman kij jen microphone ko elikin kajojo ien kōjērbali.

**K3: Elōñ ke mennin rōjañ kin wewein kejbarok ilo amim bōk kwōnaam ilo mennin kwōjkwōj?**

U3: Ñe komij lelok kwōjkwōj, armij eo ej kebooj kwōjkwōj eo mokta jen ien jar eo aikuj kwal bein kin joob im dān māānān iomwin ejab diklok jen 20 jekōn ilo ien eo wōt mokta jen an jino kebooji.

- Ro me rej lelok kwōjkwōj rej aikuj ekōnak kein kalbubu iturin māj an jikin taktō ko, kein bōbrae iturin māj ak kein kalbubu iturin māj ilo ien aer ajej kwōjkwōj. Aoleb rilelok kwōjkwōj ro rej aikuj kwal beir kin joob im dān māānān ak kōjermal kein manman kij in bā elikin aer ekōnak kein kalbubu māj im kaju mokta jen aer ajej kwōjkwōj.
- Rikōmadmōd ro ren kajjioñ in jab jibwe bein rikwōjkwōj ilo ien aer ajej kwōjkwōj.
- Kim ejab rōjañe aṃi idaaak jen eja juon wōt kab. Elañe kom ejab maroñ jolok aṃi ajej kwōjkwōj jen juon kab, lōmnak aṃi ajeje jen juon kab ko rejenolok ioon juon bileij, emōj kōjenolok bwe rikwōjkwōj ro ren maroñ kelet juon kab ilo aer jab jibwi men ko jet.
- Ej aikuj wōr rōjañ bwe rikwōjkwōj ro ren kejbarok aer jab kebaak doon im en jab diklok jen jiljino (6) ne kōtaan jen ro jet. Lōmnake aṃ kōmman kakōlle ioon ijo ilal ñan kōlaajrak wewein aṃ kōmmane mennin.

**K4: Elōñ ke melele in kajinet kin wewein an em ko aikuj karreo in manman kij mokta im elikin makūtkūt ko?**

U4: Jouj im lale rōjañ in melele in kajinet ñan aolep kin karreo eo amim [ijin](#).

**K5: Ñan jukjukin bed in tōmak ko ewōr aer rijerbal ro rej lale kejbarok, enaj ke aikuj an wōr rikejbarok ro ñan etale armij kōn nañinmij ilo ien jar ko rebar belloko? Elañe eindein, wōn eo enaj lelok katak in kaminene?**

U5: Jukjukinbed ko an imōn jar rejab aikuj in kōmman etale. Bōtab, [kōjellā ko ej mennin aikuj](#) me ej kakememej armij bwe ren bed wōt mōko imweir elañe rekar nañinmij kin kakōlle ko ikijien COVID im/ak elañe rej mōttan juon kumi in armij emōj kile ke elab aer mōjno ñan kij in nañinmij in COVID-19.

**K6: Elañe ien jar ko rebar belloko, im ro uwaan kabuñ eo remōjno (einwōt armij ro im elōñ aer nañinmij kadede, im men ko jet) im remakoko in bed wōt mōko imweir, ta eo kim en kōmmane?**

U6: Rōjañe armij ro emōj likūt elablok uwōta ñan aer bōk COVID-19, bwe ren bed wōt mōko imweir ñan bōk kwōnaer ilo ien jar ko, elañe remaroñ. Lōmnake aṃ rōjañ bwe ro uaan kabuñ eo im elablok aer mōjno bwe ren kōjerbale jibañ ko ikijen aer maroñ alwōj ilo internet ak kenono ilo bideo ko jen mōko imweir ñe elōñ jikin ñan aer kōjerbale kōmadmōdin jibañ kein. Ñe armij rej iten jar, reaikuj ekōnak kein kalbubu māj an jikin taktō ko, kein bōbrae iturin māj ak kein kalbubu iturin māj im lolorjake ke rej aikuj kejbarok aer kōttolok doon aoleb ien

**K7: Enaj ke wōr melele in kajinet eo ej wōnmaanlok ñan makūtkūt ko relab an mour in (marre, ilomej, lotak, kemem, im men ko jet) iomwin tōrein bebe eo an bar belloko?**

U7: Elōñ mantin kajojo kabuñ im makūtkūt ko rej make wōt ñan ien kein reaurōk an mour. Meñe jejab maroñ lelok tipdikin melele in kajinet kin aoleben, kimij rōjañ kin ejja wewein kein ilo ad kōmmāni ilo jikin ko jet ekoba kōttolok doon, niknik in kwalkwol bā im kōjērbal kein kalbubu iturin māj, ñe ekkar.

**K8: Ia eo im jemaroñ loe melele in kajinet kin kakobaba ko an ajiri, kilaaj ko an ajiri ñan ebōk jibañ, kaam in jemar, im men ko jet?**

U8: Jouj im kōjērbale [Melele in Kajinet ñan Kaam in Jemar ilo Raan ñan Ajiri ro Rej Joñan Rijikuul](#).

Kilaaj ak būrokraam ko jet an ajiri remaroñ naj lali rej jikin lale ajiri rej aikuj loor [melele in kajinet kin Kejbarok Ajiri](#) ñe emōj kōwebben ñan kōmadmōd einwōt Kejbarok Ajiri ilo len Idiñ wōt.

**K9: Juon “jikin ekkwōjarjar” ej juon jikin me emōj kōjenolok ñan jejjetin jikin jar, einwōt ijo imaan imōn jar eo ekwōjarjar im tampel ko. Ilo jukjukinbed ko im elab an aurōk “jikin ekwōjarjar,” ta melele in kajinet ñan kōmelim an juon armij deloñ ilo jikin eo ñan wūn ko rejjjet? Meñe emo kakobaba ko, ak ien ko ej an juon wōt armij ilo jikin ko ñan elōñlok armij?**

U9: Jemelele ke kajojo manit in tōmak reoktak im elōñ manit rejjjet im kemem ko im rejab kanooj in ekkar ñan melele in kajinet eo emōj lelok. Ilo ien kein, ej mennin aikuj bwe jen kōttolok doon, madmōd in niknik in kwal bā, lolorjak an erreō jikin ko elab jibwi, im an mennin aikuj ekōnak kein kalbubu māj an jikin taktō, kein bōbrae iturin māj, im kein kalbubu iturin māj. Ñan kalōñlok melele ko kin aṃ kwal beim, kein kalbubu iturin māj im wewein karreo, jouj im etal ñan website eo amim [ijin](#).

**Maroñ loe beba in:** Ñan armij ro im elōñ aer utamwe ak kajojo armij ro im ewōr aer bar juon kajin oktak jen Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak [OHA.ADAModifications@dhsaha.state.or.us](mailto:OHA.ADAModifications@dhsaha.state.or.us).